

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ  
ԱՐԵՎԵԼԱԳԻՏՈՒԹՅԱՆ ՖԱԿՈՒԼՏԵՏ

ԱՐԵՎԵԼԱԳԻՏՈՒԹՅԱՆ ՀԱՐՑԵՐ  
(Գիտական հոդվածների պարբերական ժողովածու)

№ 13

ԵՐԵՎԱՆ  
ԵՊՀ ՀՐԱՏԱՐԱԿՉՈՒԹՅՈՒՆ  
2017

**ЕРЕВАНСКИЙ ГОСУДАРСТВЕННЫЙ УНИВЕРСИТЕТ  
ФАКУЛЬТЕТ ВОСТОКОВЕДЕНИЯ**

**ВОПРОСЫ ВОСТОКОВЕДЕНИЯ**  
**(Периодический сборник научных статей)**

**№ 13**

**Ереван**  
**Издательство ЕГУ**  
**2017**

**YEREVAN STATE UNIVERSITY  
FACULTY OF ORIENTAL STUDIES**

**JOURNAL OF ORIENTAL STUDIES  
(scholarly periodical journal)**

**№ 13**

**YEREVAN  
YSU PRESS  
2017**

**Հրատարակվում է Երևանի պետական համալսարանի  
արևելագիտության ֆակուլտետի  
գիտական խորհրդի որոշմամբ**

**Խմբագրական խորհուրդ՝**

Մելիքյան Գուրգեն բ. գ. թ., պրոֆեսոր (*նախագահ*),  
Մելքոնյան Ռուբեն բ.գ.թ., դոցենտ , Կարապետյան Ռուբեն  
պ.գ.դ., Խառատյան Ալբերտ պ.գ.դ., պրոֆեսոր, ՀՀ ԳԱԱ  
թղթակից-անդամ, Հովհաննիսյան Դավիթ բ.գ.թ., պրոֆեսոր,  
Հովհաննիսյան Լավրենտի բ.գ.դ., պրոֆեսոր, ՀՀ ԳԱԱ թղթ-  
անդամ, Ոսկանյան Վարդան բ.գ.թ., դոցենտ, Սարգսյան Լևոն  
պ.գ.դ., պրոֆեսոր, Սաֆարյան Ալեքսանդր պ.գ.թ., պրոֆեսոր,  
Սաֆրաստյան Ռուբեն պ.գ.դ, պրոֆեսոր, ՀՀ ԳԱԱ  
ակադեմիկոս, Քոչարյան Հայկ պ.գ.թ., դոցենտ, Կուզնեցով  
Վասիլի պ.գ.թ., դոցենտ (Ռուսաստան), Տեր-Մաթևոսյան  
Վահրամ պ.գ.թ., Բեյլենկովա Մարիա բ.գ.դ., պրոֆեսոր  
(Ռուսաստան), Էքմեքչյան Լեոնա PhD (ԱՄՆ), Գրեկյան  
Երվանդ պ.գ.դ., Իլյա Յակուբովիչ բ.գ.դ, պրոֆեսոր  
(Գերմանիա), Ահմադջան Ղուրոնբեկով բ.գ.դ, պրոֆեսոր  
(Ուզբեկստան)

**Հայկ Մարգարյան\***

**ԻՇԽԱՆՈՒԹՅԱՆ ԱՊԱԿԵՆՏՐՈՆԱՑՄԱՆ ԹՈՒՐՔԱԿԱՆ  
ՍՈՂԵԼԸ՝ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՀԻՄՆԱԿԱՆ  
ՏԵՍՈՒԹՅՈՒՆՆԵՐԻ ՀԱՄԱՏԵՔՍՈՒՄ**

*Բանայի բառեր՝ տեղական ինքնակառավարում, իշխանության ապակենտրոնացում, Թուրքիայի տարածքային կառավարման մոդել, ազատ համայնքի տեսություն, ինքնակառավարման պետական տեսություն:*

Եթե նախորդ դարի կեսերին միջազգային քաղաքագիտական միտքը հիմնականում շրջանցում էր տեղական կառավարումը և դրա խնդիրները<sup>1</sup>, ապա մեր օրերում իշխանության ապակենտրոնացումը դարձել է քաղաքական հետազոտությունների հարգված ուղղություններից մեկը<sup>2</sup>: Ուստի լիովին բնական է, որ որևէ երկրի տեղական ինքնակառավարման համակարգի համակողմանի քննություն կարող է կատարվել միայն ՏԻՄ վերաբերյալ գոյություն ունեցող քաղաքական տեսությունների ծիրում:

Նախ, անդրադառնանք, թե ինչ է տեղական կառավարումը: 1960-ական թթ. սկզբին ամերիկացի հետազոտող Ուիլիամ Մաքքենզին գրում էր. «Տեղական կառավարման վերաբերյալ որևէ

*\* ԵՊՀ թյուրքագիտության ամբիոնի հայցորդ:*

<sup>1</sup> Herson L., *The Lost World of Municipal Government*, The American Political Science Review, vol. 51, no. 2, 1957, pp. 330-345.

<sup>2</sup> Sellers J., Lidström A., *Decentralization, Local Government, and the Welfare State*, Governance: An International Journal of Policy, Administration, and Institutions, vol. 20, no. 4, October 2007, p. 609.

*տեսությունն չկա: Չկա որևէ նորմատիվ ընդհանուր տեսություն, որից մենք կարող ենք եզրակացնել, թե ինչպիսին պիտի այն լինի»<sup>3</sup>: 2000-ական թթ. վերջին Ջեյմս Չանդլերը կարծիք էր հայտնում, որ այս պնդումը շարունակում է արդիական մնալ<sup>4</sup>: Այս տեսակետի հետ ոչ ամբողջությամբ կարելի է համաձայնել: Նույն ինքը Չանդլերն, օրինակ, նշանակալի աշխատանք է տարել այս ուղղությամբ<sup>5</sup>, սակայն պետք է հասկանալ, որ նրա այս միտքն ուղղակիորեն մատնացույց է անում հարցի առավել խորը ուսումնասիրության անհրաժեշտությունը:*

Վերադառնալով տեղական կառավարման սահմանմանը՝ պետք է նշել, որ մասնագիտական գրականության մեջ դրան հասնելու համար ընտրվում է սովորաբար երկու ելակետ. կա՛մ տեղական իշխանությունը դիտվում է իբրև կենտրոնական իշխանության մաս, կա՛մ սահմանումը կառուցվում է տեղական ու կենտրոնական իշխանությունների փոխհարաբերությունների<sup>6</sup> օրինաչափությունների վերհանման վրա<sup>7</sup>: Մեր կարծիքով՝ տեղական կառավարման առավել դիպուկ սահմանում է տալիս Արթուր Մարշալը՝ առանձնացնելով բնութագրական 3 հիմնականատրիբուտ՝ տարածքային («պետության մեջ սահմանափակ աշխարհագրական տարածքում»), ձևաչափային («տեղական

<sup>3</sup> Mackenzie W., *Theories of Local Government*, London School of Economics and Political Science, 1961, p. 5.

<sup>4</sup> Chandler J., *Liberal justifications for local government in Britain: The triumph of expediency over ethics*, Political Studies vol. 56, no. 2, 2008, p. 355.

<sup>5</sup> Մասնավորապես, տե՛ս նույնի, *Local government today*, 4<sup>th</sup> ed., Politics Today MUP, Manchester University Press, 2009 և *Explaining Local Government: Local Government in Britain Since 1800*, Manchester University Press, 2007

<sup>6</sup> Տեղական և կենտրոնական իշխանությունների համահարաբերակցության սկզբունքների վերաբերյալ տե՛ս Heymans C., Totemeyer G., (1988) *Government by the people? Politics of local government in South Africa*. Juta, 1988, p. 8:

<sup>7</sup> Olowu D., *African Local Governments as Instruments of Economic and Social Development*, International Union of Local Authorities, 1988, p.12.

ընտրություն կամ նշանակում») և գործառության ( «ինքնիշխանության որոշակի աստիճան») <sup>8</sup>: Միաժամանակ, անհրաժեշտ է հստակորեն տարբերակել տեղական կառավարումը տեղական ինքնակառավարումից <sup>9</sup>: Վերջինս պահանջում է շատ ավելին, քան կենտրոնական իշխանությունների կողմից կայացված որոշումների կենսագործումը: Ժամանակակից տեղական ինքնակառավարումը ենթադրում է նաև, որ տեղական մարմիններն ունեն որոշումներ կայացնելու հնարավորություն ու նաև որոշակի քաղաքական ինքնուրույնություն: Ըստ էության, ՏԻՄ կայացած համայնքը իշխանության հաջողված ապակենտրոնացման դասական օրինակ է:

Տեղական ինքնակառավարման մարմնի ինքնուրույնության <sup>10</sup> և անկախության խնդիրն (կազմակերպական ձևի, լիազորությունների և վերահսկողության տեսանկյուններից) ընկած է ՏԻՄ կազմակերպման վերաբերյալ տեսությունների հիմքում <sup>11</sup>: Ստորև անդրադառնանք դրանցից առավել հայտնիներին:

<sup>8</sup> Marshall A., *Financial administration of Local Government*, George Allen & Unwin, London, 1965, p. 1.

<sup>9</sup> Տե՛ս Լանցինեն Ա., *О соотношении понятий «местное управление», «местное самоуправление», «муниципальное управление», Ars Administrandi, №1, 2009, сс. 112-117* և Мельников А., *К вопросу о соотношении понятий «местное управление» и «местное самоуправление», Веснік БДУ, сер. 3, 2012, №3, сс. 82-85.*

<sup>10</sup> Տեղական ինքնակառավարման մարմին – կենտրոնական իշխանություն հարաբերությունների վերաբերյալ առկա տեսությունների մասին տե՛ս Bilgiç V., *Merkezi yönetim - yerel yönetim ilişkileri üzerine teoriler*, Çağdaş Yerel Yönetimler, c. 7, sayı 2, ss. 27-35:

<sup>11</sup> Մանրամասն տե՛ս Пляйс Я., *«Теории и модели местного самоуправления в интерпретациях отечественных и зарубежных политологов (обзор диссертационных исследований российских политологов)»* в Пляйс Я., Мухарямов Н., *Местное самоуправление в России и Германии. История и современность*, Москва, 2012, сс. 12-33

*Ազատ համայնքի (համայնքի բնական իրավունքների) տեսությունն* առաջին տեսական կոնցեպտն է՝ կոչված բացատրելու տեղական ինքնակառավարման էությունը: Այն վերջնականապես մշակվել է 18-րդ դ. վերջին և հատկապես 19-րդ դ. առաջին կեսին Ֆրանսիայում և Բելգիայում Ժ.-Գ. Տուրեի, Ա. դը Տոկվիլի<sup>12</sup>, Հ. Արենսի<sup>13</sup> և այլոց կողմից: Տեսության հիմնադրույթներն առաջին անգամ հրապարակվել են Ժակ-Գիյոմ Տուրեի կողմից 1789 թ. սեպտեմբերի 29-ին Ֆրանսիայի Ազգային ժողովի առջև կարդացված տեղական ինքնակառավարման բարեփոխումների նվիրված գեկուցման ժամանակ<sup>14</sup>: Դրանք ընդհանուր գծերով հանգում են հետևյալին.

- համայնքն իր բնությամբ օժտված է ինքնուրույնության և կենտրոնական իշխանությունից անկախության իրավունքով, ընդ որում՝ պետությունը ինքը չի ստեղծում համայնք,

- սեփական գործերը վարելու՝ համայնքի իրավունքը նույնքան բնական ու անօտարելի է, ինչքան մարդու իրավունքը. քանի որ համայնքը պետության նկատմամբ առաջնային է, վերջինս պետք է հարգի համայնքային ինքնավարության ազատությունը,

- տեղական ինքնակառավարման մարմինների անդամները ենթակա են համայնքի անդամների կողմից ընտրության,

---

<sup>12</sup> Տեղական ինքնակառավարման վերաբերյալ դե Տոկվիլի հայացքների համար տե՛ս Gannett R., *Tocqueville and Local Government: Distinguishing Democracy's Second Track*, *The Review of Politics*, vol. 67, no. 4, 2005, pp. 721-736:

<sup>13</sup> Բնական իրավունքի (այդ թվում՝ ինքնակառավարման իրավունքի) մասին Արենսի հայացքների համար տե՛ս Ahrens H., *Cours de droit naturel*, Paris, 1839.

<sup>14</sup> Hampson N., *A Social History of The French Revolution*, Routledge, 2013, p. 112: Չեկոյցի տեքստը բնագրով տե՛ս Mavidal J. (éd.), *Archives parlementaires*, Paris, 1877, pp. 202-219:



• համայնքի ենթակայության տակ առկա գործերը հստակորեն բաժանվում են երկու խմբի՝ սեփական և կենտրոնական իշխանության կողմից փոխանցված,

• տեղական ինքնակառավարումը համայնքի սեփական գործավարությունն իր բնույթով հստակորեն տարբերվում է պետական գործավարությունից,

• տեղական ինքնակառավարման մարմինները համայնքի, այլ ոչ թե պետության մարմիններ են,

• իշխանության պետական մարմիններն իրավասու չեն խառնվել ներհամայնքային լիազորության խնդիրներին<sup>15</sup>:

Բնական իրավունքի վրա հիմնված այս տեսությունն իր արտացոլումն է գտել 1831 թ. ընդունված և ցայսօր գործող Բելգիայի սահմանադրության 41-րդ հոդվածում, որն ամրագրում է համայնքային իշխանությունն իբրև պետական իշխանության առանձին տեսակ<sup>16</sup>:

Արդեն որոշակիացած գիտատեսական այս հիմքի վրա էլ 19-րդ դ. երկրորդ կեսին Ռ. Ֆոն Մոլի, Օ. Ռեպերի, Օ. Գիրկեի և այլոց ջանքերով<sup>17</sup> սկսում է ձևավորվել *ինքնակառավարման*

<sup>15</sup> Մանրամասն տե՛ս Гронский, П., *Децентрализация и самоуправление*, Москва, 1917, сс. 5-10.

<sup>16</sup> «Հոդված 41. Շահերը, որոնք ունեն բացառապես տեղական կամ նահանգային բնույթ, Սահմանադրությամբ ամրագրված սկզբունքների համաձայն, կարգավորվում են տեղական կամ նահանգային խորհուրդների կողմից» (ֆր.՝ «Article 41. Les intérêts exclusivement communaux ou provinciaux sont réglés par les conseils communaux ou provinciaux, d'après les principes établis par la Constitution»):

Բելգիայի սահմանադրության տեքստը տե՛ս երկրի սահմանադրական դատարանի պաշտոնական կայքում՝ [http://www.const-court.be/fr/textes\\_base/constitution\\_de\\_la\\_belgique.pdf](http://www.const-court.be/fr/textes_base/constitution_de_la_belgique.pdf) [ֆր., հասանելի է 12.08.2017]:

<sup>17</sup> Տեղական կառավարման հարցի շուրջ 19-րդ դ. երկրորդ կեսին եվրոպական գիտական շրջանակներում ծավալված տեսական բանավեճի մասին մանրամասն տե՛ս Palmowski J., *Liberalism and Local Government in Late Nineteenth-Century Germany and England*, The Historical Journal, vol. 45, no. 2, 2002, pp. 381-409:

*հասարակական (հասարակական տնտեսվարման) տեսությունը:* Այն ևս որպես ելակետ էր ընդունում պետության և համայնքների հակադրումն ու տեղական համայնքների կողմից սեփական գործառույթներն իրականացնելու ազատությունը: Տեսության հիմնական դրույթներն էին.

- հասարակական և քաղաքական շահերը չեն համընկնում, ուստի պետությունն ու հասարակությունն իրավունք ունեն գրադվելու միայն սեփական շահերով,

- պետությունն ու ինքնավարությունը դիտարկվում են իբրև երկու չհատվող շրջաններ, որոնք ունեն սկզբունքորեն տարբեր բովանդակություն (համազգային և տեղային),

- հասարակական և պետական շահերի հակադրության մեջ է հենց պետք փնտրել տեղական ինքնակառավարման մարմինների լիակատար ինքնուրույնության հիմքերը,

- տեղական մարմինները լիակատար ու անձեռնմխելի իրավունք ունեն պետությունից անկախ գրադվել տեղական տնտեսվարմամբ և հասարակական խնդիրներով (Մոլ),

- ինքնակառավարումը հասարակական ազատության դրսևորում է, ուստի բարոյապես անհրաժեշտ է (Ռեսլեր)<sup>18</sup>:

Ինքնակառավարման խնդիրների հասարակական թերի ընկալման հողի վրա 19-րդ դ. գերմանացի գիտնականներ Լ. ֆոն Շտեյնի և Ռ. ֆոն Գնեյստի կողմից<sup>19</sup> մասնագիտական դիսկուրսի

---

<sup>18</sup> Riddell D., *Social Self-Government: The Background of Theory and Practice in Yugoslav Socialism*, The British Journal of Sociology, vol. 19, no. 1, 1968, pp. 47-75, Плахонин А., *Обзор основных теорий соотношения местного самоуправления и государственной власти*, Вестник АмГУ, № 44, 2009, сс. 91-92.

<sup>19</sup> St' u Pope G., *The Political Ideas of Lorenz Stein and Their Influence on Rudolf Gneist and Gustav Schmoller*, German History, 1987, vol. 4, pp. 60-61, Черняк Э., *Государственная теория самоуправления в трудах европейских ученых Л. Штейна и Р. Гнейста*, Вестник Казанского технологического университета, 2010, №11, сс. 384-396, Моспаненко И., *Местное самоуправление во взглядах представителя*

հարթակ է բերվել *ինքնակառավարման պետական տեսությունը*: Տեսության հիմնական դրույթներն են.

- տեղական ինքնակառավարումը նաև և առաջ պետական կառավարման գործընթացի կազմակերպական ձևերից մեկն է, և մաս է կազմում պետական համակարգի<sup>20</sup>,

- այն լիազորությունները, որով օժտված են տեղական ինքնակառավարման մարմինները, պատվիրակված են պետության կողմից,

- պետության ու ինքնակառավարման հակադրությունը գուրկ է որևէ իմաստից,

- տեղական ինքնակառավարումը պետության մասն է, պետական վարչարարության տեղյանացվածության դրսևորումը<sup>21</sup>:

Անհրաժեշտ է նշել, որ ինքնակառավարման պետական տեսության շրջանակներում, պայմանավորված հիմնադիրների գաղափարական տարաձայնություններով, տարբերակվում են երկու ուղղություն՝ քաղաքական (Գնեյստը կարևորում էր) և իրավական (Շտեյնը շեշտում էր ՏԻՄ իրավական կարգավիճակը)<sup>22</sup>:

Բացի վերոհիշյալ խոշոր տեսություններից գոյություն ունեն նաև տեսական մի շարք այլ կոնցեպտներ, որոնք փորձում են բացատրել տեղական ինքնակառավարման էությունը: Դրանցից են

---

*немецкой политической мысли второй половины XIX – начала XX века* Р. Гнейста, Środokwoeuropejskie Studia Polityczne, 2014, №1, сс. 129-140:

<sup>20</sup> Այս դրույթի ողջ բովանդակությունը խտացված է գերմաներեն «*Selbstverwaltung – Staatsverwaltung*» («*Ինքնակառավարումը՝ պետական կառավարում*») հայտնի բանաձևման մեջ: Տե՛ս u. Viehl G., *Bundesstaat und Selbstverwaltung*, Steiger, 1953, S. 75:

<sup>21</sup> Whalen H., *Ideology, Democracy, and the Foundations of Local Self-Government*, The Canadian Journal of Economics and Political Science / Revue canadienne d'Economie et de Science politique, vol. 26, no. 3, 1960, pp. 379-382.

<sup>22</sup> Горбатюк Е., *Основные теории местного самоуправления: аналитический обзор*, Вестник СПбГУ, Политология. Международные отношения, 2015, вып. 1, с. 24.

*մունիցիպալ սոցիալիզմի, մունիցիպալ դուալիզմի, հասարակական սպասարկման տեսությունները*<sup>23</sup> և այլն:

Ընդհանուր առմամբ, քաղաքական այս տեսություններից գրեթե բոլորում ինքնակառավարման կարևորությունն ընդգծվում է ժողովրդավարացման և որոշումների կայացման գործընթացում տեղական մասնակցության համատեքստում: Ավելին, կարելի է պնդել, որ առանց տեղական իշխանության որևէ քաղաքական համակարգ չի կարող լիարժեք համարվել<sup>24</sup>: Կայացած տեղական ինքնակառավարման նշանակությունը հատկապես ակներև է դառնում, եթե հաշվի առնենք ստորև բերված գործոնները.

- այն ծառայում է իբրև լայն զանգվածների քաղաքական կրթվածությունը բարձրացնելու հարթակ<sup>25</sup>,

- այն պարարտ հող է ծառայում քաղաքական առաջնորդների աճի համար<sup>26</sup>,

---

<sup>23</sup> Դրանց մասին մանրամասն տե՛ս Leopold E., McDonald D., *Municipal Socialism Then and Now: some lessons for the Global South, Third World Quarterly, vol. 33, no. 10, 2012, pp. 1837–1853*, Шустов В., *Теории местного самоуправления — политологический контекст*, Вестник Адыгейского государственного университета, № 3, 2013, сс. 214–220, Кузякин Ю., *Муниципальное право Российской Федерации. учебное пособие*, Москва, 2008, сс. 23–24:

<sup>24</sup> Mawood P., *Local Government in the Third World Countries*, Wiley and Sons, 1983, p. 66.

<sup>25</sup> Այս թեզն առաջ է քաշվել և հիմնավորվել դեռ 18-րդ դարի կեսին Ալեքսիս դը Տոկվիլի կողմից: Տե՛ս, օրինակ, Tocqueville, A. de, *The old regime and the French revolution*, (trans. Bonner J.), Harper & Brothers, 1856, pp. 61–72.

<sup>26</sup> Բրիտանացի քաղաքական տեսաբան Հարոլդ Լասքին գրում է. «...եթե խորհրդարանի անդամները մինչև պաշտոնապես [խորհրդարան, — Ն. Մ.] մուտք գործելը 3 տարի պաշտոնավարեին տեղական մակարդակում, ապա ձեռք կբերեին [քաղաքական, — Ն. Մ.] աճի համար այդքան կարևոր փորձի հիմքերը»: Տե՛ս Laski H., *Democracy in crisis*, Chapel Hill, 1931, p. 31: Այս գործոնն առանձնապես զգույն է արտահայտված Թուրքիայի դեպքում: Տե՛ս Toprak Z., *Yerel yönetimlerde başkanın politik lider rolü*, İstanbul Üniversitesi Hukuk Fakültesi Mecmuası, c. 69, sayı. 1-2, ss. 299-316: Թուրքիայի ՏԻՄ համակարգից քաղաքական գործիչների աճի ֆենոմենն (ԹՀ գործող նախագահ Ռ. Թ. Էրդողանի օրինակով) առանձին ուսումնասիրության նյութ է:

• կառավարման բուրգի ներսում այն ապահովում է կենտրոնական իշխանության որոշակի հաշվետողականությունը<sup>27</sup>:

Տեղական ինքակառավարման գիտատեսական հիմքերի վերացարկման տեսակետից առանձնահատուկ կարևորություն է ներկայացնում ՏԻՄ համապատասխան մոդելի ընտրության հարցը<sup>28</sup>: Ուսումնասիրողների մեծ մասն առանձնացնում է ՏԻՄ համակարգի կազմակերպման երեք բազային մոդել՝ *անգլոսաքսոնական, մայրցամաքային և խառը*<sup>29</sup>: Հարկ է նշել, որ գոյություն ունեն ՏԻՄ մոդելներ դասակարգման այլ ձևաչափեր ևս<sup>30</sup>, սակայն տեսությունների և մոդելների համադրման

---

<sup>27</sup> Իշխանության ապակենտրոնացման խնդիրների նշանավոր ուսումնասիրող Բրայան Սմիթը գրում է. «*Ճշմարիտ է, որ տեղական ժողովրդավարության միջոցով կարելի է վերականգնել [կենտրոնական իշխանության, — Հ. Մ.] հաշվետվողականության առավել բարձր մակարդակ*»: Տե՛ս Smith B., *Decentralization: the territorial dimension of the state*, Allen & Unwin, 1985, p. 27:

<sup>28</sup> Այս հարցի մասին մանրամասն տե՛ս Акмалова А., *Модели местного самоуправления*, Москва, 2001, Pawlowska A., Radzik K., *Institutional Models of Local Governance – Comparative Analysis*, Materials from the 15th NISPAcee Annual Conference, May 17 - 19, 2007, Kyiv, <http://www.nispa.org/files/conferences/2007/papers/200704100858340.KievPaper.Pawlowska.Radzik.doc> [անգլ., հասանելի է 17.08.2017] Koyuncu B., *Yerel özerklik: modeller ve uygulamalar*, Muğla Üniversitesi Sosyal Bilimler Enstitüsü Dergisi, sayı 1, 2000, ss. 97-117: Տե՛ս նաև Վարդանյան Եվ., *Տեղական ինքնակառավարման մոդելի ձևավորման գործընթացը Հայաստանի Հանրապետությունում*, Բանբեր Երևանի համալսարանի. Սոցիոլոգիա, Տնտեսագիտություն, № 2 (17), 2015, էջ 3-13:

<sup>29</sup> Чиркин В., *Организационные формы местного самоуправления: Россия и зарубежный опыт*, Журнал российского права, № 8, 1997, с. 98

<sup>30</sup> Ռուս հետազոտող Նիկոլայ Եմելյանովն, օրինակ, առանձնացնում է ՏԻՄ մոդելների հետևյալ բաժանումը՝ անգլոսաքսոնական, մայրցամաքային (Ֆրանսիա), հիբրիդային (Գերմանիա, Ավստրիա, Ճապոնիա), խորհրդային (Չինաստան, Հւ. Կորեա, Կուբա): Տե՛ս Емельянов Н., *Местное самоуправление: международный опыт*, Москва, 1997, с. 10. Անգլալեզու հետազոտողները մայրցամաքային մոդելը սովորաբար տրոհում են՝ առանձնացնելով

տեսակետից լիովին բավարար է դիտարկել հենց հիշյալ երեք մոդելները:

Տեղական ինքնակառավարման անզլոսաքսոնական մոդելը ձևավորվել է եվրոպական արևմտյան դասական մունիցիպալիզմի բնօրրան համարվող Մեծ Բրիտանիայում և այժմ էլ տարածված է նախկինում Բրիտանական կայսրության մաս կազմած երկրներում (Միացյալ Թագավորություն, ԱՄՆ, Կանադա, Ավստրալիա, Իռլանդիա, Հնդկաստան, Նոր Զելանդիա և այլն): Այս մոդելը նախատեսում է, որ ինքնակառավարման մարմինները պետք է օժտված լինեն կենտրոնական իշխանությունից նշանակալիորեն ազատ ու որոշակիորեն ինքնուրույն գործելու հնարավորությամբ: Այն իր տեսական հիմքերով հարում է ազատ համայնքի ինքնակառավարման տեսությանը<sup>31</sup>:

Ազատ համայնքի տեսության նկատմամբ հակառակ հայեցակետային ելակետերով առաջնորդվող ինքնակառավարման պետական տեսության հիման վրա ստեղծվել է ՏԻՄ մայրցամաքային մոդելը: Այն կիրառվում է մայրցամաքային Եվրոպայի երկրների նշանակալի մասում (Ֆրանսիա, Իտալիա, Իսպանիա և այլն), ինչպես նաև Ասիայի ու Աֆրիկայի՝ նախկինում այդ երկրների գաղութներ եղած մի շարք պետություններում: Այս երկրներում ինքնակառավարումն իրականացվում է կենտրոնական իշխանության կողմից տրված լիազորությունների

---

հարավեվրոպական (միջերկրածովյան կամ Ֆրանկոյի), կենտրոնաեվրոպական (ֆրանսիական) և հյուսիսեվրոպական (սկանդինավյան) մոդելները: Տե՛ս Sadioğlu U., *Theoretical Foundations and Discussions on the Reformation Process in Local Governments*, IGI Global, 2016, p. 9, Swianiewicz P., *An Empirical Typology of Local Government Systems in Eastern Europe*, *Local Government Studies*, vol. 40, issue 2, 2014, p. 293:

<sup>31</sup> Բրիտանական ՏԻՄ պատմության և անզլոսաքսոնական մոդելի մասին մանրամասն տե՛ս Chandler J., *Explaining Local Government: Local Government in Britain Since 1800*, Manchester University Press, 2007:

հիման վրա՝ պահպանելով իշխանական բուրգի դասական սուբորդինացիան<sup>32</sup>:

Գլոբալիզացիոն գործընթացներին զուգահեռ տեղի ունեցավ ՏԻՄ բնույթի շուրջ առկա տեսական մոտեցումների և ինքնակառավարման գործող մոդելների մերձեցում և միախառնում, ինչի հետևանքով ասպարեզ եկավ այսպես կոչված խառը մոդելը, որը հիմնվում է մունիցիպալ դուալիզմի տեսության վրա: Տեղական ինքնակառավարման խառը համակարգ ունեն, օրինակ, Գերմանիան, Ավստրիան, Ճապոնիան և այլն: Այն տարրեր է պարունակում ինքնակառավարման ինչպես անգլոսաքսոնական, այնպես էլ մայրցամաքային մոդելներից՝ ներառելով ՏԻՄ ավանդույթի ինչպես պետականակենտրոն, այնպես էլ համայնքակենտրոն մոտեցումները<sup>33</sup>:

Ստորև բերված աղյուսակը ներկայացնում է ինքնակառավարման երեք հիմնական մոդելները՝ ժողովրդավարական և գործառույթային հարթություններում:

Աղյուսակ 1. Ինքնակառավարման հիմնական մոդելները<sup>34</sup>

Մոդելը	Ժողովրդավարական հարթություն		Գործառույթային հարթություն	
		Քաղաքական որոշումների կայացման լիազորություն	Հավաքական տեղական ինքնություն	Ռեսուրսների տնօրինման լիազորություն

<sup>32</sup> Մոդելի ու դրա շուրջ վերջին զարգացումների մասին տե՛ս Kuhlmann S., *New Public Management for the 'Classical Continental European Administration': Modernization at the Local Level in Germany, France and Italy*, Public Administration, vol. 88, issue 4, 2010, pp. 1116-1130:

<sup>33</sup> Գերմանական դասական դուալիստական մոդելի մասին մանրամասն տե՛ս Berg R., Rao N., *Transforming Political Leadership in Local Government*, Springer, 2005, pp. 29-31:

<sup>34</sup> Աղյուսակը ներկայացված է ըստ Featherstone K., *Europeanization and the Southern Periphery*, Routledge, 2014, p. 101:

Անգղոսաքսոնական	սահմանափակ	թույլ	սահմանափակ	բարձր
Մայրցամաքային	նշանակալի	ուժեղ	նշանակալի	աճող
Խառը	որոշակի	ուժեղ	որոշակի	բարձր

Ժամանակակից թուրքական ՏԻՄ համակարգը ստեղծվել է օսմանյան ինքնակառավարման փորձի հիման վրա, որն իր հերթին ձևավորվել էր հետհեղափոխական Ֆրանսիայում գործող մոդելի համանմանությամբ<sup>35</sup>: Պայմանավորված 19-րդ դարի երկրորդ կեսին Ֆրանսիայում տիրող որոշակի կենտրոնամետ միտումներով՝ օսմանյան ինքնակառավարումը ևս կենտրոնամետ էր<sup>36</sup>: Սակայն, եթե բուն ֆրանսիական մոդելը մինչև այժմ բազմաթիվ փոփոխություններ է տեսել, ապա Թուրքիայի վարչական համակարգը շարունակում է մնալ հիմնականում կենտրոնամետ և պահպանողական<sup>37</sup>: Տեղական կառավարման օսմանյան համակարգի հիմնական սկզբունքները, որ ներմուծվել էին իբրև պաշտպանական արդիականացում<sup>38</sup> և կոչված էին ամրապնդել սուլթանական իշխանության խարխլված հիմքերը, նվազագույն փոփոխություններով հասել են մեր օրերը: Հանրապետական շրջանում իրականացված ՏԻՄ

<sup>35</sup> St' u Yıldırım U., Şengül R., Bulut Y., *Türkiye için yeni bir model önerisi: Bölge Yönetimi*, Yerel Yönetimler Sempozyum Bildirileri, Ankara, 2002, s. 341:

<sup>36</sup> Ortaylı İ., *Tanzimat'tan Cumhuriyet'e Yerel Yönetim Geleneği (1840-1878)*, İstanbul, 1985, s. 29.

<sup>37</sup> Kartal N., Tuncel G., Göktolga O., *Local Governments and Government of Cities in Turkey*, Journal of Public Administration and Governance, vol. 5, no. 1, 2015, p. 17.

<sup>38</sup> Ökmen M., Baştan S., Yılmaz A., *Kamu yönetiminde yeni yaklaşımlar ve bir yönetim faktörü olarak yerel yönetimler*, Ökmen M., Yılmaz A., *Kamu Yönetimi: Kuramdan Uygulamaya*, Ankara, 2004, ss. 23, 54.



բարեփոխումներն, ըստ էության, չեն փոխել ողջ համակարգի կենտրոնամետ բնույթը<sup>39</sup>:

Միաժամանակ, պետք է շեշտել, որ Թուրքիան, ի տարբերություն պետական կառավարման արևմտյան մոդելի բազմադարյա ավանդույթ ունեցող երկրների, չունի տեղական ինքնակառավարման արմատավորված ավանդույթներ<sup>40</sup>: ՏԻՄ համակարգը թուրքական քաղաքական ու հասարակական մտքի ուշադրության կենտրոնում է հայտնվել միայն 1982 թ. սահմանադրության ընդունումից հետո<sup>41</sup>:

Ինքնակառավարման մայրցամաքային մոդելի թուրքական ադապտացիան ունի մի շարք թերություններ, որոնք խոչընդոտում են համակարգի լիակատար կայացմանը<sup>42</sup>: Թուրքական վարչական համակարգում առկա կենտրոնամետ ուժեղ միտումները, որոնց մասին խոսվեց վերևում, բերել են նրան, որ երկրի սահմանադրությամբ ամրագրված սահմանված «տեղական

---

<sup>39</sup> Parlak B., Sobacı Z., Ökmen M., *The Evaluation of Restructured Local Governments in Turkey within the Context of the European Charter on Local Self-Government*, Ankara Law Review, vol. 5, no. 1, 2008, p. 31.

<sup>40</sup> Bezmez D., *The Politics of Urban Waterfront Regeneration: The Case of Haliç (the Golden Horn), Istanbul*, International Journal of Urban and Regional Research, vol. 32, issue 4, 2008, p.830. Տե՛ս նաև Heper M., *Local government in Turkey: governing greater Istanbul*, Routledge, 1989, p. 3-7:

<sup>41</sup> Polatoğlu A., *Turkish local government: the need for reform*, Middle Eastern Studies, vol. 36, no. 4, 2000, p. 156.

<sup>42</sup> Թուրք հետազոտող Նիհալ Բնջիօղլուն գրում է. «Պատմականորեն թուրքական վարչական համակարգը ամուր կենտրոնամետ ուղղվածություն է ունեցել, ինչն արտահայտվել է պետության նկատմամբ տեղական իշխանության մարմինների համեմատական թուլությամբ: Սահմանափակված լինելով կենտրոնական իշխանության կողմից նրանց նկատմամբ իրականացվող անհարկի քաղաքական և ֆինանսական վերահսկողությամբ՝ ՏԻՄ մարմինները մնացել են թույլ և Անկարայից կախված»: Տե՛ս İncioğlu N., “Local elections and electoral behavior” in Sayarı S., Esmey Y., (ed.), *Politics, parties, and elections in Turkey*, Lynne Rienner Publishers, p. 75:

կառավարման սկզբունքը»<sup>43</sup> չի ապահովում կենտրոնական ու տեղական իշխանությունների միջև քաղաքական պարտականությունների հստակ տարաբաժանումը<sup>44</sup>: Բացի դրանից, ՏԻՄ մարմինները, ֆինանսապես ամբողջովին կախված լինելով կենտրոնական իշխանությունից, ըստ էության գուրկ են նաև տնտեսական ինքնուրույնությունից<sup>45</sup>:

Վերջին 180 տարվա ընթացքում թուրքական տեղական կառավարման համակարգը գոյակցել է ամենատարբեր քաղաքական ռեժիմների հետ՝ բացարձակ միապետությունից մինչև բազմակուսակցական հանրապետություն: Այն անցել է համակարգային փոփոխությունների մի քանի շրջան՝ ցենտրիզմից ու էտատիզմից մինչև լիբերալ բարեփոխումներ ու ներդաշնակեցում Տեղական ինքնակառավարման եվրոպական խարտիայի հետ: Այսօր այն վերածվել է թուրքական քաղաքական համակարգի կարևոր տարրի, որի հետ կապված իրողություններն

---

<sup>43</sup> «Հողված 127... Տեղական իշխանության մարմինների ձևավորումը, պարտականություններն ու իրավասությունները, համաձայն տեղական կառավարման սկզբունքի, սահմանվում են օրենքով» (թրք.՝ «Madde 127... Mahalli idarelerin kuruluş ve görevleri ile yetkileri, yerinden yönetim ilkesine uygun olarak kanunla düzenlenir»): Թուրքիայի Հանրապետության սահմանադրության տեքստը տե՛ս երկրի սահմանադրական դատարանի կայքում՝ <http://anayasa.gov.tr/icsayfalar/mevzuat/1982anayasas%C4%B1.html> [թրք., հասանելի է 12.08.2017]: Տեղական ինքնակառավարման թուրքական մոդելի օրենսդրական կողմին մանրամասն անդրադարձ կկատարվի հաջորդ գլխում:

<sup>44</sup> Sayan İ., Övgün B., *The Autonomy of the Local Governments in Turkey: A Continuous and Current Discussion*, Humanities and Social Sciences Review, vol. 3, no. 2, 2004, p. 447

<sup>45</sup> Ulusoy A., Akdemir T., *Yerel yönetimler ve mali özerklik: Türkiye ve OECD ülkelerinin karşılaştırmalı analizi*, Balıkesir Üniversitesi Sosyal Bilimler Enstitüsü Dergisi, cilt 12, sayı 21, s. 265

ու խնդիրները կարիք ունեն պատմաքաղաքական համակողմանի քննություն<sup>46</sup>:

## ТУРЕЦКАЯ МОДЕЛЬ ДЕЦЕНТРАЛИЗАЦИИ ВЛАСТИ В КОНТЕКСТЕ ОСНОВНЫХ ТЕОРИЙ МЕСТНОГО САМОУПРАВЛЕНИЯ

(резюме)

*Маргарян Айк*

На протяжении последних 180 лет турецкая система местного управления сосуществовала с разными политическими режимами: от абсолютной монархии до многопартийной республики. Она прошла несколько этапов системных преобразований: от централизма и этатизма до либеральных реформ и гармонизации с Европейской хартией местного самоуправления. Сегодня эта система является важной частью политической структуры Турции, и ввиду этого все проблемы и реалии связанные с ней нуждаются во всестороннем историко-политическом анализе.

В данной статье рассматривается вопрос теоретической основы современной системы местного самоуправления в Турции. В связи с этим представлены принципиальные положения базовых политологических теорий, а также обозначены основные мировые модели организации местного самоуправления.

---

<sup>46</sup> Bayraktar S., *Turkish municipalities: Reconsidering local democracy beyond administrative autonomy*, European Journal of Turkish Studies [Online], 2007, § 1, <http://ejts.revues.org/1103> [անլ., հասանելի է 12.08.2017].

## THE TURKISH MODEL OF DECENTRALISATION IN THE CONTEXT OF MAIN THEORIES OF LOCAL SELF-GOVERNMENT

(summary)

*Margaryan Hayk*

Over the past 180 years the Turkish system of local government coexisted with various political regimes: from absolute monarchy to a multi-party republic. It went through several stages of systemic transformation: from centrism and statism to liberal reforms and harmonisation with European Charter of Local Self-Government. Currently this system is an essential part of Turkey's political structure and thus all problems and realities associated with it require a detailed politico-historical analysis.

This article deals with the theoretical framework of modern system of local self-government in Turkey. In this regard, it also covers fundamental principles of basic theories of political science as well as the main global models of organisation of local government.